

其德將曰明大希有其德將曰尊萬物有
其德將曰寧天人有其德將曰清四象元其
德則裂萬道元其德則失三景元其德則數
九晨元其德則速萬物元其德則滅若明上
妙則德一散用玄德萬事畢

一百八十一字

元為道德元皇妙有為道德丈人空元為
德元君上妙為道德元尊竊妙之道為德
淵源竊微之道為德之根泯泯不息運之元
極示天示地廿四神其中矣三合成象其功
至妙五合明德曰微上妙空元中應清澄妙
元明真廿有四妙有清澄神功用妙則廿四
明運妙應清澄運真則飛玄飛紫其中廿
靈為運上洞三元妙竊上妙中曰天寶妙
元中曰真實妙有中曰玉寶天元寶不靈地
元寶不形萬物元寶不生天有寶則長存地
有寶則長久萬物有寶等三元是以三寶有
道而玄德道應運也元真鎮也上妙竊也身

明也 二百
七字

道初應无老開明於冥漠功用在於眇漠
致此四象成焉光象定焉玉景應焉上妙中
元一焉亦大亦妙亦久亦微亦寂亦空亦无
清凝真妙洞妙其曰衆妙光相玄應十方清
澄瑞應俱應四象清凝明運功用成就天地
衆象猶不稱有道言象亦不敢明道四象亦
稱道妙德為道德玄德為智德上德為慧
德神德為通至德洞聖德乃容其德乃功疊
疊而應六德咸同猶不稱有道也天德不德
地德无德萬物稱德其不德也其道不長其
德不久天高不勉崩地厚不勉淪道无名德
衆非陰非陽非炁非緒真空眇眇无号无
稱應運无窮妙化无終妙无融融正道將自
功 二百廿二字

玄中有玄上妙為衆妙之淵十方天地至真
大聖及得萬物以道為光相以德為瑞應无
能莊嚴瑞應能成就道是衆妙之經德為
妙之緯十方之內名曰域十方之外為玄

撫天地之間曰盈天地之外曰清絳為四象
之網緯為四象之紀日月為天地光象星宿
為天地精明四象守其一則不淪萬物守其
一則長久一為天地之璣衡亦致長烟於天
亦致焦洲於萬物道處衆妙之首衆妙終
心道為玄德一百五十八字

所无齊玄其妙自功開妙則萬道一應妙則
天地一運妙則萬物一萬道依於妙天地歸
於妙萬物憑於妙萬道无妙不明妙為萬法中
王妙則洞虛洞空洞淵洞源洞清洞通洞真
玄洞神洞无其為衆洞上妙衆妙之妙真
二洞明十洞迴周十方无所不洞无所不通
其曰空妙道玄容以此功用長存也道應无
名天地將自化道運无形萬物將自成長不
可極曰道久不可窮曰德玄不可測曰妙知
道將為正知德將為聖知妙則真矣則至空
則至道矣天圓為萬物盖地方能載而為
木長久萬歲之靈其神將朽千齡之神其死
不去是以道隱則萬道偽道應而萬法正得

吾道者疇定矣吾道者億劫將之泯泯終於
死生之內其為罪鬼穢之神衆為不除則非

衆累不盡則非真天如輪難轉地如車難

乘風如燕難御元如烟難鑿唯道乘之為相

輪之車運於十方之功用也可不大哉

三百
五字

虛元自然道疇其中上妙明於玉高妙元應
於玉虛妙有運於玉靈道自然金元洞明德

自然於金玄元景以有景曰玉景玉景洞

曰玉皇玉皇妙應曰四象功於妙元曰三

景用於妙有曰三元運於長烟曰九天疇於

元間曰八景澄於九清曰九玄凝於始運曰

九地造於太混曰九靈道以妙覺日光相德

以正真曰元象也天地處一光象長存萬物

一精明長久真人處一登上妙其德正真

百五
二字玉高為四象之精魄玉靈為四象之靈

玉高為四象之精魄玉靈為四象之靈魄萬

道歸玉高萬象依玉靈玉高中有妙天地憑

之而有成玉靈中有神萬物因之而有形成體

歸於道形疇歸於德玉高處乎元景而有

玉靈和於洞景而有用妙无弊而天地清妙
有弊而萬物寧道應妙无其功任所德應
妙有其用融融任所玄通融融皆同並歸寂
空寂空中元一也其道上海德亦自然其運
自然其曰无上无下无窮无極其功難測真

飛極大焉

一百五
十八字

正道則正寂正真則正法正教則正化正應
則正運此則至空至寂至妙至道妙道在其
中也道應亦其中也道運亦其中也玉高雖
妙依於道玉靈終由道无高明於道虛皇應
正道无始運於道道應萬道正萬道正則寂
妙定則得洞天洞地洞虛洞无洞幽洞冥真
曰冥室之寂室寂室正妙其中上妙則妙覺
也稱玄羣方之上空妙无以朗之未悟妙有
以明之始終羣方既應則无所不應四象同
應其功任重則通天通地通幽通虛通冥通
溟无所不通至於道也太混既判清凝豁然
自然憑道凝住若非憑道其將還混是以道

應天地成道運萬物形萬象不依道則滅萬
化不依道則絕萬道不歸道則泄萬法不依
則不正萬善不依則不定

二百卅
八字

虛玄大冠者道上妙應也則使太混以判四
象清澄天地若鏡萬象若鏡萬物若鏡幽虛
清凝天如相輪地如靈籤萬物寓其中萬品
萬類萬系萬象總處其間皆得清涼之運而
得成就上下清凝奇妙妙无妙竊竊妙妙有
應於明運神澄自然无色无炁萬行俱備无
諸氛穢是道應也心道上妙之運當有莊嚴
之功亦在其中當有光相亦在其中當有瑞
應亦在其中當有功用亦在其中當有四象
亦在其中當有三景亦在其中當有九晨亦
在其中當有至真大聖无極尊神亦在其中
當有玉皇玉帝天帝象帝十方諸天天帝亦
在其中當有真仙飛仙上聖神靈仙天仙
地仙真人玉女亦在其中當有九微九皇九
元亦在其中當有萬道亦在其中當有萬象

在其中當有萬法萬教萬化萬福萬善萬
行萬品亦在其中

亦在其中當有天人

有大劫運數周備天地興廢亦在其中真曰

融融无所不容其功大也道之應也德之運

三百卅
一字

道應上上明空空元空有真妙上妙妙曰玄

寂寂應常常容容寂空空有上空十方玄同上

十空中十空下十空迴周百億真曰十方玄

極通極妙空空元中曰道道妙衆妙曰真妙妙

通有功功曰靈靈運運成功由妙運成由玄

運清衆上妙玄應明運運中玄通通應无窮

通由光應容由光相上由威明中由无景下

由靈相成此无象合爲大象其中一也妙在

於玉高應在於玉靈運在於玉景其虛无元

曰精妙妙甚竊甚冥其有靈非恍非忽

其中有物分濁分清明運有成非不恍忽物

混爲一應則數矣運則判矣分一萬象備矣

歸一則萬象合同一矣及一則非正道正道

一矣其為道紀自然也

二百卅二字

道應則沖沖天地之運齊妙融融自然之

一矣其為道紀自然也

二百卅二字

大道應則沖沖天地之運齊妙融融自然之
化天地憑之為一大也致得清凝妙也天地
若非憑之則混為一天地有劫運矣萬物有
三灾矣故知天地不久萬物不久其體空无
以寄寓於道是以道大德久不虞大者終
於天地也不虞久者萬物也上一中一下一同
以无一為上妙正道中一尊也非无不應非
一不運无為道綱一為德紀則衆妙中无萬
道皆不存一道不亡萬物謂言天長地久吾
心之无長久何然哉由不勉大劫也安能長
久也故以長久之言者以接引於萬物吾恐
之絕思道新還而无運矣有道之君能以空
心存於妙鏡細神上妙齊空齊妙中有妙亦
應尔心道真成矣身相清凝神亦澄矣其
真齊妙則登於大齊至道妙鏡也故知无道之

君與道絕矣滅將至在於死生中其神苦其
冥毒其鬼徒方存正道弗及也道正其真妙
道應則十方清凝矣道運則天地清涼也妙
然自然凝住為衆妙中妙鏡正道焉

三百廿三字

上妙玄經十三章真解有二千八百廿四字

自然靈智大覺品

天尊告元高虛皇元始天寶玉皇曰斯經尊
妙功德无量真曰大乎其功巍巍堂堂功用
長久上妙元窮其任至重无所不容成就十
方天地方圓瑩發三景九晨之光象莊嚴至
真大聖尊神靡所不周无所不備我周十方
四象清澄奇妙清凝而得成象於是清涼五
億五万五千五百五十五億万重天地俱得
成就光景洞徹普得光明无量衆聖俱然玄
應自然凝住清凝洞妙各各品位而得分判
安置成立凝然虛峙皆由是經功德使之然
也

上上

此時天尊則命金玄上妙道德元皇丈人元
君三真曰尔則為此經中上妙鎮經之主以

賞錄玄經藏而錄之永保明運應於來劫无

量之劫中也今以相付可不尊而奉焉

於是金玄上妙道德元皇三真則又手作礼

稱善尔時十方俱明諸天至真大聖无量之

衆一時懽意踊躍光明映照中外光明清澄

清凝清涼俱得上妙自然玄應成就也

无上金玄上妙道德元皇丈人元君三真巡

三周而住金玄上妙道德玉章誦曰

大道无名形 妙无真寂空 玄德空无景

寂然自虛冲 妙无中天尊 妙有自然功

道妙德亦妙 上妙寂寂中 不動亦不涌

四象並齊蒙 虛寂寂微累 十方皆清凝

清涼玄應運 妙有自繩繩 妙寂道真大

德久清且澄 形无象亦无 功用妙難稱

明運威光妙 成就非三乘 身相真妙鏡

光明自有恒 莊嚴天地功 衆聖並飛凌

妙道寂妙妙 俱妙亦俱升 大寂中真妙

上妙无能勝

无上金玄上妙道德妙通玉章誦曰

道瑞德亦應 未天未地先 獨挺玉高上

非炁亦非烟 明運達大功 開妙盡光妍

妙有中有靈 妙无真自然 八應四象立

十應並金身 功造洹沙衆 天寶妙為真

上妙妙玄玄

无上金玄上妙道德妙運玉章誦曰

大道應无先 上妙甚澄清 開明冥漠內

玄運若虛征 德忽飛凝定 八十四中靈

上妙天寶運 非象妙无形 妙无中真實

明運流金成 妙有玉寶功 清凝難為名

長存天地運 並從妙玄經 清涼四象立

虛凝自虛亭 三元方始造 妙覺塵沙形

功應无方外 十方並流明 道乘玄元始

萬道非妙癖 道妙非其神 正道元真一

心覺妙為因 億億乘空出 身相致瓊蓮

光明十方現 投光天尊前 莊嚴七寶相

乘此若飛翺 周迴无景上 大混以凝清

落四象分 億億皆齊并 威光照十外

大久自然榮 寂寂上妙鏡 道應永長亨

諸天並登位 替首慶劫齡

金玄上妙道德元皇三真誦畢則迴心作禮
稽首天尊左迴復位寂妙寂然靜真於是天
尊告元高高上天寶玉皇曰金玄上妙道德
元皇丈人元君三真乃從太寂妙无妙有中
而來應我明運也其真上妙則與玄經相應
是以上妙玄經有其位也今以是三真寶錄
大道金玄上妙玄經則為玄經中大法玉矣
金以天寶真實玉寶而為萬法中玉上首
於是元高高上天寶玉皇則又手作礼稱善
左迴巡靈三周而作自然金玄上妙玉章誦

上妙清涼運 虛无自然俱 寂中有上妙

三寶其中遊 清凝光相好 妙運无替留

豁然四象判 澄澄随空浮 玉高常寂妙

妙應未常休 玉景玉皇運 上妙妙亦周

玉靈開三明 來運甚攸攸 正道明正寂

正一空寂寂 正法真中玉 正教无改易

化天地立 正應真利益 流明十方煥
 運靡不歷 萬道寓齊下 妙應方澄滌
 十洞並光明 天地從運來 億億河沙衆
 玄應自同齊 虛玄大冠中 相輪以三迴
 元色元炁緒 靈瑞自然開 莊嚴成就功
 妙中妙妙哉

元高高上天寶玉皇誦畢則朝天尊巡虛復
 升齊

道言天寶玉皇自然金玄上妙玉章誦者其
 文乃出玄經中也故以鎮玄經中矣十方至
 真大聖有得玉章而誦其章者其真自然
 相清澄光相具足諸天朝慶真玉懽悅金
 玄玉章侍衛形神清凝上妙聖智洞達六慧
 通明萬道設禮聲暢遠妙十方聞響莫不俱
 到同會虛空凝位恭禮叉手稱讚也光明玄
 妙有經之身其妙自然真為上妙而得登乎
 大齊也真曰齊焉
 道言玄經妙重其真自然其功上妙其德元
 一致得成就十方天地莊嚴元量河沙之衆

皆身相具足開明光象上下周迴十方皆得
自然清凝微妙立存湏臾真曰上妙无上无
匹妙中之妙難可稱焉自非天尊妙應玄應
十方諸天莫之聞也

道玄玄經常有无上金玄上妙金靈玉童卅
万人侍衛真文煥百和自然之香散五霞
流雲之華以慶真文玄經也寶之成真泄悞
之者失道殃至矣十方至真大聖真人玉女
昭天上章天玉天人真仙飛仙大神靈仙神
天仙地仙真人等可慎之誠之誠之者也

上金玄上妙道德玄經中品